



Долоо хоног тутмын хэвлэл  
2015 оны 08 дугаар сарын 14  
№30 /891/

Монгол Улсын  
Их Хурлын  
тогооол

1637

Монгол Улсын  
Засгийн газрын  
тогооол

1638

Монгол Улсын  
Засгийн газрын  
тогооол

1638

# ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

**Засгийн газрын зарим  
гишүүнийг огцруулах тухай**

**Тогооолын хавсралтад  
нэмэлт оруулах тухай**

**Монгол Улсын 2015 оны  
төсвийг хэрэгжүүлэх талаар  
авах арга хэмжээний тухай**



**ГАРЧИГ**  
**МОНГОЛ УЛСЫН ИХ ХУРЛЫН ТОГТООЛ**

413.	Засгийн газрын зарим гишүүнийг огцруулах тухай	Дугаар 77	1637
<b>МОНГОЛ УЛСЫН ЗАСГИЙН ГАЗРЫН ТОГТООЛ</b>			
414.	Тогтоолын хавсралтад нэмэлт оруулах тухай	Дугаар 229	1638
415.	Монгол Улсын 2015 оны төсвийг хэрэгжүүлэх талаар авах арга хэмжээний тухай	Дугаар 230	1638

**МОНГОЛ УЛСЫН ИХ ХУРЛЫН ТОГТООЛ**

2015 оны 08 дугаар сарын 06-ны өдөр	Дугаар 77	Улаанбаатар хот
--	-----------	--------------------

**Засгийн газрын зарим гишүүнийг огцруулах тухай**

Монгол Улсын Үндсэн хуулийн Хорин тавдугаар зүйлийн 1 дэх хэсгийн 6 дахь заалт, Монгол Улсын Их Хурлын чуулганы хуралдааны дэгийн тухай хуулийн 38 дугаар зүйлийн 38.2 дахь хэсгийг үндэслэн Монгол Улсын Их Хурлаас ТОГТООХ нь:

1.Доор дурдсан Монгол Улсын Засгийн газрын гишүүн-Монгол Улсын сайд нарыг үүрэгт ажлаас огцруулсугай:

1/Ухнаагийн Хүрэлсүхийг Монгол Улсын Засгийн газрын гишүүн-Монгол Улсын Шадар сайдын;

2/Дуламсүрэнгийн Оюунхоролыг Монгол Улсын Засгийн газрын гишүүн-Байгаль орчин, ногоон хөгжил, аялал жуулчлалын сайдын;

3/Жаргалтулгын Эрдэнэбатыг Монгол Улсын Засгийн газрын гишүүн-Сангийн сайдын;

4/Дамдины Цогтбаатарыг Монгол Улсын Засгийн газрын гишүүн-Барилга, хот байгуулалтын сайдын;

5/Намхайн Төмөрхүүг Монгол Улсын Засгийн газрын гишүүн-Зам, тээврийн сайдын;

6/Содномын Чинзоригийг Монгол Улсын Засгийн газрын гишүүн-Хөдөлмөрийн сайдын.

2.Энэ тогтоолыг 2015 оны 8 дугаар сарын 06-ны өдрөөс эхлэн дагаж мөрдсүгэй.

**МОНГОЛ УЛСЫН  
ИХ ХУРЛЫН ДАРГА**

**3.ЭНХБОЛД**

## МОНГОЛ УЛСЫН ЗАСГИЙН ГАЗРЫН ТОГТООЛ

2015 оны 6 дугаар  
сарын 8-ны өдөр

Дугаар 229

Улаанбаатар  
хот

### Тогтоолын хавсралтад нэмэлт оруулах тухай

Нийтээр тэмдэглэх баярын болон тэмдэглэлт өдрүүдийн тухай хуулийн 5.2-т заасныг үндэслэн Монгол Улсын Засгийн газраас ТОГТООХ нь:

1. Монгол Улсад Прокурорын байгууллага анх байгуулагдсан 8 дугаар сарын 14-ний өдрийг "Прокурорын албаны өдөр" болгон тэмдэглэж байхаар тогтоосугай.

2. Энэ тогтоол гарсантай холбогдуулан "Журам батлах тухай" Засгийн газрын 2010 оны 7 дугаар сарын 7-ны өдрийн 172 дугаар тогтоолын хавсралтаар баталсан "Түүхэн үйл явдлын ой, тэмдэглэлт өдрийг тэмдэглэх, гавьяат үйлстийг алдаршуулах, дурсгалыг нь мөнхжүүлэх журам"-ын "Дөрөв" дэх хэсэгт "4.1.55. Прокурорын албаны өдөр-жил бүрийн 8 дугаар сарын 14-ний өдөр" гэж нэмсүгэй.

МОНГОЛ УЛСЫН  
ЕРӨНХИЙ САЙД

Ч.САЙХАНБИЛЭГ

МОНГОЛ УЛСЫН САЙД,  
ЗАСГИЙН ГАЗРЫН ХЭРЭГ  
ЭРХЛЭХ ГАЗРЫН ДАРГА

С.БАЯРЦОГТ

## МОНГОЛ УЛСЫН ЗАСГИЙН ГАЗРЫН ТОГТООЛ

2015 оны 6 дугаар  
сарын 8-ны өдөр

Дугаар 230

Улаанбаатар  
хот

### Монгол Улсын 2015 оны төсвийг хэрэгжүүлэх талаар авах арга хэмжээний тухай

Засгийн газрын тухай хуулийн 7 дугаар зүйлийн 2 дахь хэсэг, Төсвийн тухай хуулийн 34.3-т заасныг тус тус үндэслэн Монгол Улсын Засгийн газраас ТОГТООХ нь:

I. Монгол Улсын төсвийн орлого, зарлага, төрийн сангийн мөнгөн хөрөнгийн үлдээлтэй уялдуулан эхний эзлжинд дараах арга хэмжээ авч хэрэгжүүлэхийг Сангийн сайд Ж.Эрдэнэбат, аймаг, нийслэлийн Засаг дарга нарт даалгасугай:

1. Төсвийн зардлыг төсвийн батлагдсан сар, улирлын хуваарийн дагуу бүрэн санхүүжүүлэх зардлын зүйл, бүлэг, зориулалт, арга хэмжээг дор дурдсанаар тогтоо:

а) бүх шатны төсөвт байгууллагын "Цалин хөлс болон нэмэгдэл урамшил" болон "Ажил олгогчоос нийгмийн даатгалд төлөх шимтгэл" зардлын бүлэг;

б) нийгмийн даатгалын сангаас олгох тэтгэвэр, тэтгэмж, төлбөр болон улсын төсвөөс нийгмийн даатгалын тэтгэврийн санд олгох татаас;



в) нийгмийн халамжийн тэтгэвэр, тэтгэмж болон хүнс тэжээлийн хөтөлбөрийн санхүүжилт;

г) бүх шатны төсөвт байгууллагын “Байр ашиглалттай холбоотой тогтмол зардал”-ын бүлэг;

д) бүх шатны эмнэлгийн тусламж, үйлчилгээ үзүүлж байгаа байгууллахаас, асрамжийн газруудын “Нормативт зардал”-ын бүлэг, нэг иргэнээр тооцсон нормативт зардал, тээвэр шатахуун, хог хаягдал зайлцуулах, ариутгалын зардал, бичиг хэрэг, дотоод албан томилолт, урсгал засварын зардал, багаж, техник хэрэгсэл, хөдөлмөр хамгааллын хэрэглэлийн зардал болон эрүүл мэндийн даатгалын сангаас бүрэн санхүүжүүлдэг эмнэлгийн тусламж, үйлчилгээ үзүүлэх байгууллагын хувьд нийт урсгал зардал;

е) хүн, малын халдварт, архаг болон гоц халдварт өвчинеөс урьдчилан сэргийлэх эм бэлдмэл, эмнэлгийн хэрэгсэл, урвалж бодис бэлтгэх, хөдөлмөр хамгааллын хэрэглэл худалдан авах зардал, мал эмнэлгийн үйлчилгээний төлбөр, бэлчээрийн оготно болон хөнөөлт царцаатай тэмцэх зардал, намрын ургац хураалтын арга хэмжээний зардал;

ж) онцгой байдал, цагдаа, шүүхийн шинжилгээ, хил хамгаалах, хилийн шалган нэвтрүүлэх, батлан хамгаалах салбарын анги, нэгтгэлүүд, шүүхийн шийдвэр гүйцэтгэх, мэргэжлийн хяналтын байгууллагын тээвэр шатахуун, хоол хүнс, нормын хувцасны зардал, дотоод албан томилолтын зардал, хөдөлмөр хамгааллын хэрэгсэл худалдан авах зардал;

з) бүх шатны төсөвт байгууллагын тээврийн хэрэгслийн татвар, оношилгоо, даатгалын үйлчилгээ болон газрын төлбөр, аудит баталгаажуулалтын зардал;

и) төсөвт байгууллагаас гэрээний үндсэн дээр гуравдагч этгээдэд төлж байгаа үйлчилгээний төлбөр буюу гэрээт ажиллагдын зардал, харуул хамгаалалтын зардал, холбооны суваг ашигласны хөлс, байр ашиглалтны үйлчилгээ, лабораторийн итгэмжлэл, геологи, хайгуул, судалгааны ажлын төлбөр, цахим хуудасны бүртгэлийн хураамж, шийдвэр гүйцэтгэлийн үйлчилгээ, нөөц хөрөнгийн хадгалалт, хамгаалалтын зардал, мэдээллийн технологийн үйлчилгээний зардал, эвлэрлийн гэрээгээр хүлээсэн үүрэг болон гадаад зээлээр хэрэгжүүлэх ажил, үйлчилгээ, хөтөлбөр, төслийн дотоод урсгал зардал;

к) урьдчилан төлөвлөсөн төрийн өндөр албан тушаалтны албан ёсны гадаад томилолт, арга хэмжээ, Засгийн газраас зөвшөөрсөн тохиолдолд Засгийн газрын гишүүдийн гадаад албан томилолт, зочин төлөөлөгч хүлээн авах зардал.

2. Төсвийн зарим зардлын зүйл, бүлэг, зориулалтын хүрээнд 2015 оны батлагдсан төсвийн сар, улирлын хуваарийг дор дурдсаны дагуу бууруулан баталж олгох:

а) төсөвт байгууллагын “хангамж бараа материалын зардал”-ын бүлгийн нийт төсвийн хэмжээг 40 хувиар;

б) сургуулийн өмнөх болон ерөнхий боловсролын байгууллагаас бусад төсөвт байгууллагын “Нормативт зардал” бүлгийн нийт төсвийн хэмжээг 50 хувиар;

в) Төв төрийн сангаас орон нутгийн төрийн санггуудад шилжүүлэх сургуулийн өмнөх болон ерөнхий боловсролын сургуулийн тусгай зориулалтын шилжүүлгийн нийт төсвийн хэмжээг 5 хувиар (үүнээс хангамж, бараа материалын зардал, хичээл, үйлдвэрлэглийн дадлага хийх зардал, ургсал засварын зардлыг 40 хувиар, банк, санхүүгийн үйлчилгээний хураамж, улсын маягт бэлтгэх зардлыг 50 хувиар бууруулах);

г) төсөвт байгууллагын банк, санхүүгийн үйлчилгээний хураамж, авто тээвэр, улсын бүртгэл, хилийн боомтын шалган нэвтрүүлэх зэрэг байгууллагын үндсэн үйл ажиллагаанд хэрэглэгдэх, төсөвт орлого төвлөрүүлэх онцлогтойгоос бусад төрлийн улсын мэдээллийн маягт бэлтгэх зардлын хэмжээг 50 хувиар.

3. Энэ тогтоолын I зүйлийн 1, 2-т зааснаас бусад зардлын зүйт, бүлэг, зориулалт, хөтөлбөр, арга хэмжээний санхүүжилтийг төсвийн орлого болон төсөвт байгууллагын өөрийн орлогын гүйцэтгэлийг харгалзан тухай бүрт нь үе шаттай санхүүжүүлж байх.

II. Төсвийн зардлыг бууруулах чиглэлээр 2015 оны төсвийн тодотгол хийж дуусах хүртэл хугацаанд дараах хөтөлбөр, арга хэмжээний санхүүжилтийг хойшлуулах, зохицуулалт хийхийг Сангийн сайд Ж.Эрдэнэбат болон холбогдох төсвийн ерөнхийлөн захирагч нарт даалгасугай:

а) улсын төсвөөс олон улсын байгууллага болон төрийн өмчит аж ахуйн нэгжийн дүрмийн санг нэмэгдүүлэх, эх үүсвэр нэмэгдүүлэх, гишүүнчлэлийн төлбөрт зарцуулахаар төлөвлөсөн зардал болон энэ чиглэлээр төлөвлөсөн татаас;

б) улсын төсвийн хөрөнгөөр 2015 онд шинээр хэрэгжүүлэх хөрөнгө оруулалтын төсөл, хөтөлбөр, арга хэмжээ;

в) Хөгжлийн банкнаас санхүүжүүлэн төсвөөс эргэн төлөх нөхцөлтэй шинээр эхлэх хөрөнгө оруулалтын төсөл, хөтөлбөр арга хэмжээ.

4. Энэ тогтоолын I зүйлд заасан арга хэмжээг хэрэгжүүлэхдээ “Төсвийг хэмнэлтийн горимд шилжүүлэх зарим арга хэмжээний тухай” Засгийн газрын 2014 оны 5 дугаар сарын 10-ны өдрийн 147 дугаар тогтоолыг удирдлага болгож ажиллахыг Сангийн сайд Ж.Эрдэнэбат, аймаг, нийслэлийн Засаг дарга болон бүх шатны төсвийн ерөнхийлөн захирагч нарт даалгасугай.

**МОНГОЛ УЛСЫН  
ЕРӨНХИЙ САЙД  
САНГИЙН САЙД**

**Ч.САЙХАНБИЛЭГ  
Ж.ЭРДЭНЭБАТ**

**Хаяг:**

“Төрийн мэдээлэл” эмхэтгэлийн редакци.  
Улаанбаатар-14201, Төрийн ордон 124 тоот  
И-мэйл: turiiin\_medeel@parliament.mn

**Үтас:** 262420  
**Хэвлэлийн хуудас:** 0.25  
**Индекс:** 14003